

La Najbara Simio

Mia najbarino havis etan simion kiel dorlotbeston. Ĉarma etulo, kiu havis liberon en ŝia korto, kaj foje aperis sur la barilo por peti frukton aŭ frandaĵon.

Unu tagon la simio aperis en mia korto, tre ekscitita. Mi metis ĝin sur la barilon, sed ĝi tuj revenis en mian korton. Do, mi prenis ĝin en la brakoj kaj paŝis al la najbara domo. Mi malfermis la pordon al la korto, kaj tuj vidis la najbarinon, kiu kuŝas vizaĝ-en-kote en la ĝardeno, klare malviva.

Mi retroenpaŝis, vokis 911, kaj atendis la policon.

Mortenketo montris ke ŝi mortis pro bato de peza objekto, kaj ke la domo estis priŝtelita. La krimulo ne estis trovita.

Nun la simio loĝas ĉe mi, kaj ĝi regajnis siajn kutiman ĉarmon kaj trankvilon.

Fino A:

Sed foje ĝi rigardas al la najbara korto, la okuloj rondiĝas, kaj ĝi tutkorpe frostotremas. Bedaŭrinde, ke ĝi ne povas atesti en juĝejo.

Fino B:

Sed mi komencas rimarki, ke foje ĝi okulumas la aferojn en mia domo, kaj poste rigardas min, iom strabe
...